

HWAN NE OYI?



Nhyira wo, onuabarima. Eye paa se yeba Awurade fie.

² Me susu se na meresua Tweresem bi, bere bi a abesene korɔ no, na Ekaa se bere a Yesu benee Yerusalem no, na asuafoɔ no maa wɔn ani so na wɔhunuu kuro kronkron no wɔ akyirikyiri no, na wɔfirii aseɛ maa wɔn anigyeɛɛ na wɔkaa, se, “Afei na wɔde ahennie ni besane aba.”

³ Na saa obarima yi a na ɔreka se, anaase arekasa fa Palestina akwansra bi a enkyereɛ ho, na ɔkaa se seesei nnipa no, wɔ afe a etwaa mu no, wɔabeduru baabi a, se wɔfiri bonhwa no mu ba soro na wɔhwɛ kanko no so, kwan korɔ no ara a na Yesu ene asuafoɔ no wɔ so saa bere no, na se wɔhunuu kuro no, wɔfirii aseɛ sui.

⁴ Mo nim, me gyedi se, na biribi wɔ hɔ a saa asuafoɔ no, wɔ saa nna no mu no, wɔnyaa atenka, se—se wɔde ahennie no besane aba bio.

⁵ Na seesei aka kakraa bi. Na me gyedi se eno ne atenka a ɛwɔ nnipa no mu, se aka kakraa bi na ahennie no aye krado se wɔde resane aba bio.

⁶ Onuabarima Neville, yen domfoɔ ene nhyira hwɛfoɔ, waka akyere me fa ɔhyewbɔ dwumadie bi a ɛrebasoɔ wɔ asɔrefie ha, wɔ anadwo kakra, a yerebɔ ho mpaɛɛ. Na meka kyerɛɛ no se, me susu se ɛbeyɛ nhyira adeɛ.

⁷ Worentumi nya ɔhyewbɔ bebree. Na mmerɛ pii yɛnya adwene a ɛntene fa ɔhyewbɔ ho. ɔhyewbɔ nye se dodoo no yede asɔremma foforo reba mu, mmom eye se yerekanyan wɔn a yanya wɔn dada no. Na me . . .

⁸ Mɛpɛ se me ka yei, ɛfiri se meka firi m’akoma mu tɔnn. Eno me firi aseɛ nya atenka sononko wɔ asɔrefie ha sene deɛ na ɛwɔ hɔ mmerɛ tenten ni, atenka a eye—eye honhom mu atenka paa, te se deɛ na etɛɛ, bere tenten a abesene korɔ no; se biribi a ɛtim, na ɛwɔ fapem kann. Na me wɔ ahtosoɔ se Onyankopɔn behyira saa asafo ketewa yi so, na . . . ? . . . bio wɔ ne tumi mu.

⁹ Na mehunu dansie nhyehyɛɛ no se ɛreko soɔ, na me susu se eno ye adeɛ keɛɛɛ. ɛfiri se, ntɛmso anaase akyire yi, yen mpanimfoɔ no beworɔ yen akodeɛ no na yede ahyɛ yen mmɔfra no nsam, na yanante afa saa sika kɔkɔɔ Atwedɛɛ no so.

¹⁰ Da bi me twaa saa kwan-fa no marko seesei, mfirinhyia aduonum. Mentumi nhunu no saa. Ase na ɛnye bere biara ɛfiri bere a na mereyiyi nnuane ma Chris Meisner no, ɛbeyɛ dunwɔtwe, dunsia, madi mfirinhyia dunnwɔtwe. Nanso ɔkɔɔ baabi. ɛkyere se yenni kuro a ɛwɔ hɔ daa wɔ ha, mmom yerehewhwe ɔbaako a ɛreba no. Na eno ne Kuro no a Onyankopɔn na ɔye ne sifoɔ, na ɔnni awieɛ biara wɔ hɔ.

¹¹ Anɔpa yi, bere a na merekasa fa asemtire no ho no ɛfa Maamenom Da no, na merebo mmɔden de maame asi ho ɛnye sedee ɔtee paa yi, wɔ mmerewa bere mu, ne honam atwintwam, ene yei nyinaa, ne poma, anaase teaseenam dada bi, anaase akonwa bi, na nhwiren kukuo ketewa bi esi ne nkyen; mmom maame a ɔwɔ owusoree no mu, wasane kɔ ne mmabaabere mu, na ɔgyina ho, a ɔrehyeren se ɔhema. Saa kwan no so na mepɛ se me dwene me maame ho. Mepɛ se medwene ne ho sedee ɔtee ɛnne yi, wanyini. Mepɛ se me dwene dee ɛreba ho. Na me nim se monya atenka saa kwan no so fa mo maamenom ho. Dwene ne ho sedee ɔtee paa ɛwɔ n'akoma mu. ɛwɔ mu se dodoo. . . sedee anwensem twerefoɔ no ka se, "Abrabɔ anye mmerɛ amma no, nanso ɔbebo ne nyinaa bio, sedee ɔbeyɛ biribi ama woɔ." Enti Onyankopɔn bɛma no aye kwan a ɔbetumi ne wo atena ase daa. Enti ɛye m'ani gye wɔ saa ho.

¹² Me nnim dee nti, me yee saa nkaebo yi, anɔpa yi, se mekasa anadwo yi, se ɛye Awurade pɛ a, ɛwɔ: *Hwan Ne Oyi?* Nokoreni mennim senea mereko ye no. Nanso na menni adaagye kasi beye dɔnhwere ne simma du a abesene korɔ ni, mereye nhwehwemu awia no nyinaa, na menyaa atitire pii ne—ne putupuru telefon frɛ. Mantumi annyɛ.

¹³ Na mepɛ se mo kɔso bo mpaee ma Dɔkota Sam. ɔno—ɔreba a ne ho ye, na yɛda ase. Na Dɔkota Baldwin ɛna Owurayere Baldwin wɔn baanu renya ahɔdden. Wɔn ho reyɛ wɔn den.

¹⁴ Mepɛ se mode foforo baako to mo mpaebo nhyehyee so, awia yi. ɔno ne Harry Lease a ɔwɔ fam ha, odutɔnfoɔ no. Harry ye me yɔnko paa. Na mmerɛ tenten a me hunuu no no, me susuu se na aye Kristoni no, kɔsi awia yi, bere a ne nuabarima yee abisadee maa ne kra nkwayee. Onuabarima Mike Egan na ɔde baaee ɔno. . . yen agyapadeeso hwɛfoɔ no, na ɔde amanee no baaee. Na Harry tebea no nye papa koraa, ɔwɔ ayaresabea ho. Na me nnim se ɔdwene me ho bebreɛ saa; nanso, ɔdaneɛ ne ho firii ɔno ara ne hwɛfoɔ ho, awia yi, anaase ɔhwɛfoɔ a ɔwɔ asafo no mu baabi a ɔka, na ɔpɛ se me ba behwe no. Na mepɛ se me kɔ hwe no. Enti, mommɔ mpaee ma Harry.

¹⁵ ɛye yen anigye wɔ ha, anadwo yi, se yebehu, ɛye me nnamfonom a wɔwɔ ha yi, wɔfiri Georgia fam, Onuabarima Welch Evans ene n'abusua. Me hunu, nso, ahɔhoɔ foforo a na me nnim wɔn, ebia na wɔwɔ ha anɔpa yi.

¹⁶ Se me nyee mfomsoɔ a, me hunu Onuabarima ene Onuabaa Elmer Collins wɔ akyire ho, a wɔfiri Phoenix, Arizona. Oh, wo nsakyeraee. Aye te se dee ase wo hye wo ketekekwan so ntaadeɛ no, na—na wofiri kwan no so. Na yɛma mo akwaaba ba fie! Merentumi mmisa mo se montena ha, ɛfiri se mo ahunu baabi papa, hwe, eno ye paa, Phoenix. Mepɛ se me tena ho, da bi, me ara ankasa.

17 Na afei mehunu Onuabarima Smith wɔ ha, wɔ Onyankopɔn Asafo no mu, wɔ abɔnten hɔ. Onuabarima Smith, wɔde ama me, wo nwoma ketewa no, adano, anaase ennora awia, bere a na aka akyire no. Menkenkanee mpo, nanso nokorɛ ni megye ato mu, mmere tenten a me nim sɛ wo na wotwerɛɛ. Ɛsɛ sɛ eyɛ nokorɛ, nokorɛ Twerɛsɛm. Onyankopɔn nhyira wo. Na me wɔ anidasoo sɛ eyɛ nkɔsoɔ.

18 Na afoforo pii, metumi aka sɛ. Me ma mo nyinaa akwaaba ba hyiadan yi mu. Na mani gyeɛ saa nnwom no ho, anɔpa yi, ɛfa Onuabaa Stricker a ɔtoo dwom no, “Ɔrehwe fa ntokuro no mu, wɔ ne ho.” Me nuanom Mennonitefoɔ a mowɔ ha, eyɛ me anigyɛ sɛ mowɔ ha. Na, oh, mo nyinaa! Adamfoɔ wɔ ha, me gyedi, ɔfiri Illinois, ne babarima retwe biribi gu ahoma so wɔ akyire hɔ, mehyia wɔn bio. Na dodoo pii, metumi . . . Monnwene sɛ merebu mo animtia sɛ mammɔ mo din a, mmom mema mo nyinaa akwaaba.

19 Afei momma yen nkenkan anadwo yi, mma Twerɛsɛm adesua, mfiri Mateo ti 21 no, yɛrefiri aseɛ wɔ nyiyimu 1 no, na yakenkan aba fam, ene 11, ɛka ho.

Na bere a wɔbɛnee Yerusalem no, wɔbaa hɔ, na wɔduruu Betfage, Ngo bepo ho no, Yesu somaa asuafoɔ mmienu,

Ɔka kyerɛɛ wɔn sɛ, Monko akuraa a ɛda mo anim yi ase, na ntem ara mo behunu afunumu a wasa no homa, na ne ba ka ne ho: monsane wɔn, na momfa wɔn mmre me.

Na sɛ obi bisa mo a, monka sɛ, wɔn ho hia ma Awurade No; na ntem ara ɔbɛma mode wɔn aba.

Yei nyinaa sii, na deɛ odiyifoɔ no kaaɛ no aba mu, sɛ,

Monka . . . Sion mmammaa sɛ, Hwe, wo Hene reba wo nkyɛn wɔ ɔdwɔɔ mu. . . ɔte afunumu no so, ne afunumu a ɔsoa nneɛma ba so.

Na asuafoɔ no kɔɔɛ, na wɔyɛɛ sɛdeɛ Yesu hyɛɛ wɔn no,

Na wɔde afunumu no baaɛ, ne ne ba no, na wɔde wɔn ntadeɛ guguu wɔn so, na ɔtenaa so.

Na nkurofokuo no mu pii de wɔn ntadeɛ sɛsɛɛ kwan no mu; na ebinom nso twitwaa dua mman, na wɔde sɛsɛɛ kwan no mu.

Na nkurofoɔ akuakuo a wɔdikan, ne wɔn a wɔdi akyire no, teatea mu, kaa sɛ, Hosiana nka Dawid ba no: Nhyira ne deɛ ɔnam Awurade din mu reba no; Hosiana wɔ sorosoro nohoa.

Na bere a ɔduruu Yerusalem no, kuro mu no nyinaa bɔɔ twi, kaa sɛ, Hwan ne oyi?

*Na nkurɔfoɔ akuakuo no kaa se, Oyi ne Yesu odiiyifoɔ
a ɔfiri Nasaret no. . .*

Momma yɛnsi yɛn tiri ase mma mpaebɔ.

²⁰ O Awurade, εye yɛn nwanwa deɛ anka yɛbɛka, se yetenaa ase saa nna no mu a. Nanso yɛtɛ da kɛsɛɛ bi mu, berɛ a yɛrehwehwe No kwan sɛ ɔbɛba no. Na berɛ a yɛreyɛ ahosiesie no, Awurade, yɛresiesie yɛn akoma yi, na yɛde afiafi a yatumi aboaboa ano nyinaa afiri otwa afuo no mu reba yi, wɔ fie ne amanɔne yi, yɛdwene ho na yɛrehwe kwan εwɔ berɛ a yɛbɛhunu No sɛ ɔreba, ɔtɛ pɔnkɔ fitaa soɔ, ɔresane firi Animuonyam ponkɛsɛɛ no mu, na wabɛsesa na wadane saa yɛn nipadua a epɔɔ yi tebea, akɔ animuonyam nipadua tɛ sɛ ɔno ara ne deɛ no mu, baabi a bɔne nni hɔ anaasɛ owuo nsenkyerennɛɛ biara mma hɔ. Na yɛbɛhu No sɛdeɛ ɔtɛɛ, na yatena ase, na yadɔ No wɔ mmerɛ nyinaa a εsɛ sɛ eba no.

²¹ Yɛda W'ase de ma asafo yi ɛne ne hwɛfoɔ, ɛne wɔn a wɔhwɛ yɛn agyapadeɛ so ɛne asomfoɔ no, na ɛkɔ ma onipa biara a ɔba ha no; na ɛkɔ ma ahɔhoɔ a wɔwɔ yɛn pono yi mu, wɔyɛ nnwammaa a wɔfiri buo korɔ no ara mu, na mmom wɔfiri adidibea foforɔ. Yɛrebisa sɛ Wo bɛhyira wɔn, anadwo yi, wode W'Animpa.

²² Na ma yɛn aduane nni wɔ W'Asɛm mu, sɛdeɛ yɛbɛfiri ha, anadwo yi, yɛde ahotosoɔ sɛ yɛbɛyɛ Akristofoɔ papa asene deɛ na yɛtɛɛ. Ma yɛmfa anidasoɔ foforɔ nkɔ wɔ yɛn akoma mu, na yɛde anigyɛɛ, retwɛn Ne Mmaɛɛ no.

²³ Sɛ kwan bi so ɛbinom wɔ yɛn ntam a, wɔyareɛ na wɔwɔ amanɛɛ mu a, yɛwerɛ remfiri sɛ yɛrebɔ mpaɛɛ ama wɔn. Sɛ wɔn. . . Wɔreba dan no mu no, anadwo yi, baabi a yɛaboa yɛn ho ano ama ɔsom no, wɔreba mu, sɛ ayarefoɔ no, ma wɔn mpue nkɔ wɔ apomuden mu.

²⁴ Na yɛbɛbisa ama wɔn a wɔn ho ɛretɔ wɔn no, wɔ afie mu ɛne ayaresabea ahodoɔ no, ɛna wɔwɔ amanɛhunu mpa so. Yɛbɔ mpaɛɛ, O Nyankopɔn, sɛ W'ahummɔborɔ bɛba wɔn soɔ.

²⁵ Yɛbɛbɔ mpaɛɛ ama wɔn a hweɛ mmfa wɔn ho, anadwo yi, na wɔn nnka nhwɛɛɛ nso na wɔnhunu sɛ Awurade yɛ, na wɔnnim deɛ ɛkyerɛ sɛ Nyankopɔn dɔ wɔɔ. Wɔntɛasɛɛ deɛ wɔrehwɛɛɛ no. O Nyankopɔn, ma kasafidie so kasebɔ bi, anaasɛ kwan bi so, nka wɔn akoma, na wɔn atenka ndane nkɔ Wo nkyɛn ansaana ahummɔborɔ pono no mu ato na wɔn aka akyire, agyina atemmuo a ahummɔborɔ nni mu mu.

²⁶ Boa yɛn, Awurade. Saa nnɔɔma yi yɛbɔ ho mpaɛɛ wɔ Awurade Yesu Din mu, na ɛde ma N'animuonyam na yɛbisa. Amen.

²⁷ Na nnipa no abɔ apeeso paa wɔ pono no ano, ɛna mmɔntene no so akyerɛ soɔ, na adan mpo nni hɔ nnipa no bɛda mu. Na wɔdɛda fasuo no akyi, wɔ beaɛ hɔ nyinaa, ɛfiri sɛ na yɛi yɛ twam no. Na nnipa fifiri wiase a na εwɔ hɔ no nyinaa mu, sɛ wɔrebɛsom

wɔ saa bere no. Na eye bere a wɔkumm twam adwammaa no. Na ono . . . Na egyina hɔ ma wɔn gye efi Misraim, nkoaye no mu. Na wɔkɔ so dii yei, afe biara. Afe biara, saa twam kese yi kɔ so. Na eye mmere sononko no mu baako wɔ . . . anaase dwumadie ma Yuda som no, esiane se na ekyere bere a wɔnyaa ɔgyee no.

²⁸ Nnipa no nyinaa dɔ se wɔsusu eno ho, bere a wɔnyaa ɔgyee. Senea yen mu biara, anadwo yi, betumi akɔ akyire bere a wɔgyee yen no! Dee na ekyere ma yen!

²⁹ Metumi akae wɔ me ara me suahunu mu, efa senea m'abarimaa kumaa mmaborɔni akoma pree se ne nsa beka Onyankopɔn. Me susuu se, "Oh, se anka metumi akɔ soro na mabɔ Ne pono mu a, na makasa akyerɛ No bere kakra!" Na, ewɔ mu se, mo nim m'asem no. Me nyaa krataa ne twerɛdua, na merekɔ twere krataa akɔma no, efi se na mentumi nkasa nkyere No. Na me nim se Ɔte wuram, efi se na mate Ne nka, ena mahu No se onenam nnua no mu. Na a—a biribi, kwan dada bi a na me fa soɔ bere a makɔ ahaye anaase makɔ mpataayie. Me susuu se, "Me de bebɔ dua no ho, na mede akɔma Owura Yesu." Wɔ kwan bi so sɛdeɛ saa adeso a no betumi afiri makomam.

³⁰ Oh, saa anadwo no, ewɔ fam hɔ! Me were betumi afiri me mfie, me were betumi afiri me din mpo bere bi, nanso me were rentumi mfiri saa dɔn no da bere a Ɔgyee me firii bɔne mu no. Biribi siie, wɔ me mu, a aboa me wɔ sum keseɛ dɔn no mu. Me gye dɔn no, bɔne adeso a no firii me so, na meye onipa foforɔ. Maye abɔdeɛ foforɔ wɔ Kristo Yesu mu, efi saa bere no.

³¹ Na saa Yudafoɔ yinom, wɔba, afe biara. Na asutire bi wɔ a—a asɔredan no mu. Na wɔfaa paanoɔ no—no, ene efan nwononwono no, ene adwammaa no, na wɔnom firii asutire a ewɔ asɔredan no mu no. Na wɔgye wɔn ani bom efi se na saa Nyankopɔn no akyerɛ wɔn adom. Enti, yei ye twam bere yi no, na enye twam no nko ara, mmom na eye twam sononko.

³² Mo nim, etɔ dabi a yekɔ asɔre na . . . Bere biara yedɔ se yebekɔ, nanso etɔdabi a biribi sononko bi kɔso wɔ hɔ.

³³ Na yei ye saa mmere ahodoɔ no mu baako. Na ewiem aye kusuu se biribi rebesi, sɛdeɛ etee enne yi. Wɔn a na wɔdɔ No nyinaa aniwa rehwe No se ɔbeba epono no ano.

³⁴ Na me gyedi se eye biribi keseɛ saa kwan no so enne, efi se wɔn a wɔdɔ No no rehwe No kwan. Ewiem aye kusuu se biribi rebesi.

³⁵ Bere a, yete saa da yi mu no, bere a asase yi paa ara, abeye pawda keseɛ baako yi. Na abɔdeɛ mu nyansape reka kyere yen se, "Eye simma mmiensa na abɔ anadwo dasuo mu." Na mewɔ ahotosoɔ se na morekenkan, sɛdeɛ na mereye no, da bi no, saa asraafoɔ dɔm so panin no asem no, ɔkaa se, se, "Se ɔko foforɔ wɔ hɔ a, ebɛdi simma mmienu anaase mmiensa." Saa tete akodie no, ne tuo toɔ no, ne amen tuo nnaadaa no, ne nyinaa atwam. Wɔgye to mu se ɔko a edisoɔ no bɛdi simma mmienu anaase mmiensa.

Da bi, onipa bi a n'adwene aye sakasaka beyi ne mmuasoo no afiri so na wato saa topaee no mu baako. Na se woye a, yewo beaee bi a woretie, baabiara, se wobeto aba akyire bio. Ewiasere rentumi ngyina eno ano saa.

³⁶ Obiara a na owo twam no ase no na wonim se biribi rebesi, nanso na wonnim dee etee.

³⁷ Na saa kwan no ara so na etee enne. Dodoobiara nim se biribi rebesi. Obiara nim saa. Wo betumi akasa akyere odeboneyeni, wo betumi akasa akyere odwadini, wo betumi akasa akyere obiara, na, oh, eye bere bi a abotoyamu nni ho ma ewiasere.

³⁸ Mmom wo betumi akasa akyere obarima anaase obaa a orehwe No se orega, na animuonyam no wo won anim, a erehyeren. Worehwe saa ade kese no kwan. Enti ewiem nyinaa aye kusuu bio, erehwe kwan se biribi rebesi. Ewiasere nmim dee erebesi, nanso Onyankopon teasefo no Asafo no nim dee erebesie. Wonim se totorobento no behyene erenkye, na yebehu No se orega, ofiri Animuonyam mu, te ponko fitaa so, na Osoro asraafo no di N'akyi. Na won a wawuo wo Kristo mu no wobehwim won na wakohya No wo wiem. Eno ne dee yerehwe kwan. Y'ani agyina ama eno.

³⁹ Na waka akyere yen se saa maamefo no akra no, ene dee ekeka ho, a yekasa faa ho anpa yi no, ewo Onyankopon afobukya no ase, woretam, "Enkosi daben, Awurade? Enkosi daben?" Maame pe se oho wo sedee wope se wo hu no no. Na yen adofoo pe se wohya yen sedee yere se yehya won no.

⁴⁰ Nkabom ben na yei beye, se Oba a! Se yebehya yen adofoo na yahu won wo won wusoree nipadua no mu, ene animuonyamhye mu, na yene owusoree adedifoo nenam ho, yerehwe won suban, senea asesa, odwo ene kommye. Na enye nhyeso na gyegyegye, ena huri ne twe, efiri se yebanya Oniawie nyinaa atenase abom.

⁴¹ Oh, saa adwendwene kese bere a yete mu yi, yenni bere biara ma hwee, se woretam, na woretwe, na woreso mu ahoden so, aden, eye da bone paa.

⁴² Afei, bere a wotwenee se biribi besii no, na enye dodoobiara koraa se won a na owo twam no ase bebree no anhu No. Nanso, na wonim se biribi rebesi, nanso wanhunu No.

⁴³ Saa ara na ebye wo Awurade Mmae no ho. Nnipa bebree na woye kitikiti, enne, a wonim se biribi rebesi, nanso won—worenhunu No da. Efiri se Orega wo anadwo dasuo mu kommye mu, na wabefa saa Asafo kumaa no a won ani agyina na woretwen na orehwe se wohu No no ako. Won ne won a Orega na wabefa won ako. Dodoobiara a wo wiase a wote afefedee mu, na wode wiase nnooma rehye won kra mma, worenhunu dee esiie da, kosi se Asafo no beko Animuonyam mu, efiri se Orega se owifo anadwo na wabefa won ako. Enti yebetumi ahunu se y'asane aba saa bea koroo no ara bio. Afei yehunu, se, saa akwanhwe yi, se

Onyankopɔn ba wɔn a . . . Wɔ Twɛrɛsɛm no nyinaa mu no, aye adekorɔ no ara. Ɛno wɔyɛ . . . Oyi ne ho kyere wɔn a wɔrehwe No kwan bere biara, bere biara kyere wɔn a wɔpɛ sɛ wɔhu No. Na menim wɔ nokorɛ mu sɛ ɛno ne anidasoɔ a ɛwɔ yɛn akoma mu anadwo yi.

44 Ɛbɛyɛ abosome nsia a abɛsene korɔ no, me susu saa, na meredi adanseɛ akyerɛ nnipa binom. Na me kaa sɛ, “Oh, sɛ me dwene ho a, sɛ berɛ biara no Ɔbɛba!”

45 Na deɛ ɛmaa me kaa saa no, na merekasa fa Onuabarima Bosworth ho. Berɛ a meko hwɛɛ saa ɔhoteni panin no, berɛ a yɛtee sɛ ɔrewuo no, wadi mfirmhyia aduwɔtwɛ-biribi, me yere ene me ko . . . hɔ kɔhwɛ no ansaana ɔwuiɛ. Na ɛsɛ sɛ me ka biribi kyere no. Mɛpɛ sɛ me hwɛ ahotefoɔ berɛ a wɔrekɔ Animuonyam mu, na ɛsɛ sɛ me hu no. Na yɛhyee lore kɔba.

46 Nanso berɛ a me duruu hɔ no, na me ko pono no ano, wɔ ntweaso hɔ ɛna na agya panin no da. Ɔmaa ne tiri so berɛ a ɔhunuu me sɛ me reba no. Ne nsa ayini, ne nsa bɛtɛɛ no sɛne hɔ, na honam sɛne fam. Na ɔtenee ne nsa maa me. Na me soɔ ne mu wɔ ne kɔn ho ɛna me teaam, “M’agya, m’agya, Israel teaseɛnam, ɛne ɛso apɔnkɔtefoɔ,” ɛfiri sɛ na ɔyɛ a ɔhoteni, ɔbarima nyamesuro ni.

47 Na me kaa sɛ, “Onuabarima Bosworth, mɛpɛ sɛ me bisa wo biribi. Wo gyedi sɛ wo ho bɛyɛ wo den?”

Ɔkaa sɛ, “Oh, me nyare mpo.”

Me kaa sɛ, “Ɛyɛ, asɛm bɛn ne no?”

48 Ɔkaa sɛ, “Merekɔ Fie.” Ɔkaa sɛ, “Mabrɛ, na mahodwo. Na mɛpɛ sɛ meko Fie.”

49 Me kaa sɛ, “Ɛnnee wo hunu sɛ wo rewu anaa?” Me kaa sɛ, “Mɛpɛ sɛ me bisa wo biribi. Sɛ wo hwɛ wakyi mfirmhyia aduwɔson-biribi wɔ ɔsomadwuma no mu a, ɛdeɛn na ɛyɛ w’animuonyam simma paa? Wo betumi akasa akyerɛ me, owura, na waka akyerɛ me suahunu a wo nyaɛ, ɛwɔ saa berɛ no mu, deɛ wobetumi akan no sɛ wo dɔn a ɛso paa.”

50 Metena ase ahu ne mfie, me werɛ remfiri da, sɛdeɛ saa aniwa tuntum no kyeree me, ɛwɔ saa ahwehweniwa no so. Ɔkaa sɛ, “Me nuabarima dɔfoɔ, yɛi ne berɛ kɛsɛɛ paa wɔ m’abrabo mu. Me nkaɛ berɛ biara a na ɛyɛ animuonyam paa sene seesei ara.”

51 Me hwɛɛ n’anim, na me kaa sɛ, “Owura, wo daso ara nim sɛ wo rewu anaa?”

52 Ɔkaa sɛ, “Onuabarima Branham, me da ha, retwen simma biara sɛ Ɔbɛbue saa pono no na waba, wafa me ne No ko Fie.” Ɛno ne kwan a ɛsɛ sɛ wo wu. Ɛno ne kwan a ɛsɛ sɛ wo ko.

53 Na sɛdeɛ monim no, sɛ, bɛyɛ dɔnhwere mmienu ansana ɔwuiɛ no . . . Na ɔwɔ, wɔtɔree mmum, bɛboro nna mmienu. Na berɛ a ɔtee n’ani no, ɔsɔree wɔ dan no mu, na ɔfirii aseɛ kasa

kyerɛɛ ne yere. Afei, mpofirimu no, ɔyɛ sɛdɛɛ ɔhunu obiara. Na ɔkyeakyeaa nsamu, bɛyɛ dɔnhwere anaase deɛ ɛkyɛne saa, ɔne nnamfoɔ, a wawuwuo bɛyɛ mfinrinhyia aduannan anaase aduonnum, a wɔnam ne so sakyeraaɛ wɔ n'asafo mu. ɔkyeaa ne maame nsam ene ne papa. Kɔsɪi sɛ na ɔno. . . nkwa firii ne nipadua mu, ɔdaa sumiɛ no so na ɔdaae, wɔ Awurade Yesu nsa so. Biribiara nni hɔ te sɛ wobesom No, na worehwe No kwan.

⁵⁴ Na berɛ a me kasa kyerɛɛ ɔbarima yi fa saa ho no, na mekaa saa suahunu no, me kaa yei. Me kaa sɛ, “Owura, oh, ɛrenye animuonyam sɛ yɛhunu No a? Oh, sɛ ɔbɛba ɛnnɛ a!”

ɔkaa sɛ, “Onuabarima Branham, nhunahuna nnipa no te saa.”

Me kaa sɛ, “Deɛn na worepɛ akyerɛ?”

⁵⁵ ɔkaa sɛ, “Oh, mɛnka nkyerɛ nnipa no sɛ wiase reba, anaase Kristo reba. ɛha wɔn.”

⁵⁶ “Oh,” Me kaa sɛ, “daabi. Mɛpa mo kyɛw. ɛreko ma wɔn a wɔrehwe No kwan no, ɛyɛ animuonyam nsem paa a wɔbɛtumi ate, sɛ ɛrenkyɛ na Yesu reba na wabɛfa N'Asafo.” Mpaninyɛ bɛsɛsa ayɛ aberantɛɛ. Anigyɛɛ bɛhyɛ abasamutuo ananmu. Nkwa bɛsi owuo ananmu. Deɛ ɛnwuo ma deɛ ɛwuo, ɛbɛdi nsesa. Oh, berɛ bɛn nie, sɛ wonim sɛ ɔbɛba!

⁵⁷ Na wɔrehwe No kwan. Na wɔn ani da Ne so. Na berɛ a ɔbaɛ no, yɛhunuu sɛ na ekuo mmienɛ na ɛwɔ hɔ. Na ekuo baako wɔ N'afa, ɛna ɔbaako tia No.

⁵⁸ Na ɛno ne sɛnea yɛhunu no ɛnnɛ. ɛno ne deɛ, Ne mmaɛɛ no, berɛ biara ɛkyɛ nnipa no mu. Berɛ biara, sɛ wo hunu Yesu a, wo hunu wɔn a wɔne No nye adwene wɔ hɔ. ɛno yɛ Satan. Na, ɛnnɛ, sɛ yɛdwene a, yɛnhunu nsesaɛ bebree. Adekorɔ no ara. Nnipa no asɛsa, nanso nnipa no honhom nsesaɛɛ.

⁵⁹ Enti berɛ a awiɛɛ no wɔhwɛɛ pono no mu na wɔhunuu No sɛ ɔreba, ɔte saa afunumu ketewa, fitaa no so, ɛnye nwanwa sɛ asuafoɔ no firii aseɛ—sɛ wɔreteam, “ɔsoro Ahennɛ no abɛn!” Nnipa no tuu mmirika kɔhyiaa No, na Yerusalem nyinaa bɔɔ twi. Biribi wɔ ho, sɛ Yesu ba a, ɛyɛ nkanyan berɛ biara. Na kuro no nyinaa bɔɔ twi. Na wɔn—wɔrentumi mfa nsie.

⁶⁰ Na saa da no asɛnkafoɔ no na ɛsɛ sɛ wɔka biribi fa saa nkanyan yi ho, ɛfiri sɛ na ɛyɛ twam afahyɛ no. Na wɔteaam, “Hwan ne Oyi?” berɛ a ewiem ayɛ kusuu no, na Awurade Yesu mmaɛɛ no, aba Yerusalem no, ama ewiem ayɛ kusuu de rehwe kwan, ayɛ te sɛ deɛ na ɛsɛ sɛ akyerɛkyerɛfoɔ no nim deɛ na ɛrebɛsie. Na ayɛ te sɛ deɛ na ɛsɛ sɛ ɔsɔfo panin no nim. Na ayɛ te sɛ deɛ na ɛsɛ sɛ asɔfoɔ a aka no nyinaa hunu.

⁶¹ Na ɛnsesaa biara, ɛnnɛ, ɛfiri sɛ Honhom Kronkron no na ɔbɛdi Awurade Yesu Mmaɛɛ no anim. Na berɛ a Honhom Kronkron no firi aseɛ hyɛta asase no so no, ɔhyewɔ gya no pue, baabiara, wɔyɛ nsenkyerɛnnɛɛ ne anwanwadeɛ akeseɛ, ayaresa

kaso, nkɔmhye ahodoɔ kaso. Asomafoɔ no nhyira no nyinaa boaboa ano sane ba Asafo no mu bio. Enti, sɛdɛɛ na ɛtɛɛ no, saa ara na ɛtɛɛ seesei, annyeannie honhom no daso ara reteam, “Hwan ne Oyi?”

62 Wɔn mu binom gyee Awurade Yesu diie, wɔkaa sɛ na ɔye Onipa papa. Wɔn mu binom kaa sɛ, “ɔye Onipa papa.”

63 Ɛno ne deɛ wɔka no ɛnne. Wɔbɔ mmɔden de No si hɔ sɛ Napoleon, ɔkofoɔ bi. Wɔbɔ mmɔden sɛ wɔde No bɛsi a—a George Washington gɛnabere, onipa nokwarefoɔ. Nanso na ɔsene saa.

64 Mohyɛɛ no nso Twɛrɛsɛm no akenkan no? Wɔkaa sɛ, “Yei ne Odiyifoɔ a ɔfiri Galilea no.”

65 Na wɔbɔ mmɔden ka adekorɔ no ara bi ɛnne, sɛ wɔhunu saa Awurade anammɔntuo kɛsɛɛ yi a: sɛ ɔsane de ɔyarefoɔ, aba apɔmuden mu, ɛne ɔmanehunufɔ; sɛ ɔbɛhu No sɛ ɔde Ne Honhom reyɛ adwuma ɛwɔ N’Asafo mu, sɛ ɔrehunu nnipa no adwene; sɛ wɔrehu No sɛ ɔreyɛ sɛdɛɛ ɔyɛɛɛ bere a na ɔwɔ asase so no, na ɔrehyɛ deɛ ɔkaaɛ sɛ ɛbɛsie no mma; nokorɛ ni, asafo ahodoɔ no ene nnipa no, rebisa yei sɛ, “Hwan ne Oyi?”

66 Wɔannte deɛ na Yesu ye ase, ɛfiri sɛ wɔn mu biara antumi ahu No, ɛnam wɔn sukuu ahodoɔ no so. “Asɔfoɔ ntetɛɛbea bɛn na ɔfiri mu baɛɛ? Nyamesom mu nimdeɛ sukuu bɛn na ɔfiri mu baɛɛ?”

67 Na saa ara na ɛtɛɛ ɛnne. Nnipa no mu dodoɔ a Honhom Kronkron no asra wɔn ngo no amfiri asɔfoɔ ntetɛɛbea biara mu na wɔbaɛɛ. Wɔye Onyankopɔn aba a ɔno ara hwɛɛmu yii ɛ. Nanso nsenkyerenneɛ no ene anwanwadeɛ no, ɛne anwanwadeɛ a wɔhyɛɛ ho bɔ wɔ Twɛrɛ Kronkron mu no, ɛka saa Honhom Kronkron kɛsɛɛ yi ho bere a Ɛretu anammɔn wɔ nnipa no ntam.

68 Na wɔka no ɛnne, “Sukuu bɛn na wɔfiri mu?” Sɛ wo kɔ kuro bi mu pɛ a, sɛ wobɛye ɔhyewbɔ a, “Asɔrefekuo bɛn na wowɔ mu?”

69 Me dii nkɔmmɔ Efiada awia, mene Roma Katolik sɔfoɔ bi a ɔfiri Irish asafo no mu ɛwɔ Louisville. Na wɔnya mfaa me nkɛrɛɛ no no, onipa papa nimdefɔɔ papa bi, ɔkaa sɛ, “Owura Branham, asɔrefekuo bɛn na wowɔ mu?”

Me kaa sɛ, “Me nni ebiara mu.”

Na ɔkaa sɛ, afei, “Wɔhyɛɛ wo sɔfoɔ anaa?”

Me kaa sɛ, “Aane, owura.”

ɔkaa sɛ, “Hwan na ɔhyɛɛ wo sɔfoɔ?”

70 Me kaa sɛ, “Awurade Yesu de Honhom Kronkron no maa me, sɛ menka Asempano, ɛna ɔmaa me ahyɛdeɛ.” Ɔye, ɛno ne asɔfohyɛ a yehia.

71 Yesu anka ankyerɛ N’asuafɔ sɛ, “Monkɔ...” Ɛnye sɛ merekasa atia saa nnoɔma no, mmom wɔayɛ biribi wɔ wɔn da mu. Wanka sɛ, “Monkɔ, monsua adeɛ mmɛyɛ asɔfoɔ, bɛyɛ mfirmhyia *dodoɔ-sɛɛ*.”

⁷² Ɔkaa se, “Montwen wɔ Yerusalem kuro no mu, kɔsi se mobenya Tumi afiri Soro.” Ɔkaa saa kyereɛ nnipa a na wɔntumi ntwerɛ wɔn ara din. “Na yei akyi no, Honhom Kronkron no ba mo so a, afei na mo bɛye M’adansefoɔ, ɛwɔ Yerusalem Yudea, Samaria, kɔpem wiase ano nohoa.” Ɛno ne asɔfohyɛ no.

⁷³ Yenni biribi a wɔatwerɛ ato hɔ se Yesu kɔɔ sukuu biara pen, anaase ɔwiee asɔfoɔ nteɛɛbea biara. Nanso, asɔfoɔ nteɛɛbea bebree na wɔasisi wɔ Ne Din mu, de ma nyamesom dwumadie, sene biribi foroɔ biara—biribi foroɔ biara a ɛwɔ wiase. Yannya twerɛ to hɔ biara—biara da a ɛfa Ne ho se ɔreko sukuu. Nanso, mpo, sukuu bebree na wɔasisi wɔ Ne Din mu sene din foroɔ biara a ɛwɔ ɔsoro ase, sukuu ahodoɔ no. Yanhunu No da se ɔretwerɛ nwoma bi. Nanso, nwoma bebree na wɔatwerɛ afa Ne ho sene nwoma ahodoɔ a aka no nyinaa a wɔatwerɛ. Na, ɛnne, Ne Twerɛ Kronkron no ne Nwoma a wɔagyɛ atom ɛwɔ wiase nyinaa, ɛwɔ nwoma no nyinaa mu.

⁷⁴ Nanso, mo ahu, wɔ nsra da no, wɔteaam se, “Hwan ne Ɔno?”

⁷⁵ Hwe, Onyankopɔn fa biribi a ase ɛnye hwee, se ɔbɛye biribi afiri mu. Ɛno ne deɛ ɛma No ye Onyankopɔn.

⁷⁶ Na bere a wɔhunuu No se ɔreba, ɔte saa aboa no so rewura ɔpono no mu no, wɔn mu binom kaa se, “Ɔye Nnipa keseɛ.”

⁷⁷ Wɔka saa ɛnne. Nyamesɛm ho adesua ahodoɔ wɔ hɔ a wɔkyerekyerɛ, ɛnne, se na Yesu ye Onipa keseɛ, se na Ɔye Onipa papa. Wɔn mu binom mpo ka se na Ɔye odiyifoɔ. Afei, se na Ɔye odiyifoɔ nko ara a, anaase Onipa papa a, yɛwɔ yɛn bɔne mu. Na ɔsene odiyifoɔ. Na ɔsene Onipa papa. Nso, na Ɔye Onipa papa. Nso, na Ɔye Onyankopɔn-Diyifoɔ. Mmom na Ɔsene saa. Na ɔye Onyankopɔn a waba honam mu, se ɔbɛyi bɔne hɔ.

⁷⁸ Na bere a Ɔbaaeɛ no, ɔte aboa no so no, nnipa no bebree kaa se, “Ɔye ɔyaresafoɔ. Oh, yahu No se ɔbuee onifira ni ani. Yehunuu No se ɔmaa onipa bubuafoɔ nanteɛɛ. Yehunuu se Ɔbɔɔ mpaɛɛ, na huraeɛ firii abɔfra no so.” Nanso, afei, saa nkurofoɔ no na wɔdi N’akyi se wɔbenya paanoo na apataa adie ntira.

⁷⁹ Na saa kwan no ara so na nnipakuo no tee ɛnne, dodoɔ pii. Se ɔyaresafoɔ wɔ hɔ a, adɛn, wɔn—wɔdi N’akyi, na Waye—Waye asubura wɔ anwea tam so. Se wɔyare a, wɔtu nmirika, ka se, “Oh, mepa wo kyɛw bɔ mpaɛɛ ma me, se Awurade Yesu bɛma me ho ayɛ me den?” Na se wɔfiri ayaresabea hɔ pɛ a, anaase ayarefoɔ mpa no so a, wɔsane kɔ wiase mu bio pɛɛ, te se ɔkraman a ɔreko ne fee mu, anaase prako a ɔreko n’atekyɛ mu, sedee Tweresɛm no kaaɛ no. Wɔdi N’akyi gye adepa a wɔbetumi anya afiri Ne mu. Wɔde No ye se a—a akraboa dua, anaase—anaase biribi a—a wɔbetumi anya afiri Ne nkyɛn, na wɔnhwehwe se wɔbesom No. Saa nnipakuo daso ara kɔso ɛnne.

⁸⁰ Na akwatafoɔ nkron na ɛwɔ hɔ a ɔsaa wɔn yadeɛ, na ɔbaako sane kɔdaa No ase. Anaase na wɔye du anaa? Wɔn, wɔn mu

baako, sane kɔdaa No ase, na wɔn a aka no kɔɔ wɔn baabi, se bonniayefoɔ.

⁸¹ Na se nnipa a wɔwɔ Amerika no, a Nyankopɔn Tumi na asa wɔn yadeɛ no, se wɔbedane wɔn akoma ama Onyankopɔn a, anka ɔhyewɔɔ besɪ saa ɔman yi mu a ebɛma wɔto nsanombea biara mu, a ebɛma . . . Adetɔnbea ahodoɔ ɛna nsa adetɔnbea ahodoɔ no befiri mfonini no mu. Asafo ahodoɔ no beye mma. Na Kwasiada anadwo agorɔhwebea ahodoɔ no bɛda mpan. Na ɔhyewɔɔ bi besɔre, afa ɔman yi mu. Nanso se wɔhunu se asi a, nnoɔma a Onyankopɔn ye no, wɔdaso ara team, “Hwan ne ɔno? Hwan ne oyi a ɔreba no? Ehe na wɔfiri baee? Hwan ne oyi? Enam tumi bɛn so na wɔye yei?”

⁸² Me werɛ remfiri da, ɛwɔ Johannesburg, Abibirem Anafoɔ. Na maduru hɔ, beye simma aduasa ansana, afiri wiemhyɛn mu. Na matena ase nna mmiɛnsa awia ɛne anadwo wɔ ewiem, na mabre aea se na ɛye den se mɛtumi agyina ano. Wɔn—wɔde me kɔɔ baabi a wɔɔ dwa a nnipa beye mpem aduonun anaase aduosia hyia mu. Na anyɛ ntem ansene se mekɔɔ asemka adwa no so, kɔsɪi se Honhom Kronkron no . . . Me hunuu se, ɛfiri baabi reba, a—a bɔs. Na ɛwɔ nsenkyerenneɛ wɔ ho se, “Durban.” Me hunuu aberantɛɛ bi a ase ɔrekasa gyegyeeɛye na ɔfirii n’agya ne ne maame nkyɛn, ɔwɔ nan baako a ɛye tiatia inkyi nsia anaase nwɔtɛ sene ɔforɔɔ no. Na ɔhyɛ atadeɛ soro fitaa, na ahoma soso ne trɔsa no mu. Na me hunuu aberantɛɛ no. Me hwɛɛ m’akyi bio. Na anisoadehunu no kɔ. Na afei, bere kakra mu no, me hunuu saa Hann no se ɛsensene aberantɛɛ bi so, ɛwɔ akyire hɔ atiefɔɔ no mu. Na me hwɛɛ. Me susuu se, “Me hunuu no baabi.” Me hwɛɛ no, na saa Hann no kɔɔ so seneɛ ne so simma kakra. Na meretwɛn asekyerɛni no na wanya nsem a ɛdisoɔ no. Afei me hunuu saa aberantɛɛ korɔ no ara se wasɔre agyina hɔ, ɛde ne poma agu fam, na ne nan a ɛye tiatia-inkyi-nsia no aye pɛpɛpɛ te se deɛ ɛka ho no.

⁸³ Na meka kyerɛɛ Owura A. J. Schoeman; a ɔwɔ Animuonyam mu, anadwo yi. Me kaa se, “Owura Schoeman, metii me nsem no mu. ɛye anisoadehunu.”

Okaa se, “ɛye paa.”

⁸⁴ Na me kaa se, “Aberantɛɛ no a ɔte akyire hɔ a ɔhyɛ atadeɛ soro fitaa no, ɛne nhoma a ɛsoso mu no, ɔfiri kuro bi a wɔfre no Durban, akwansini ahannum twa ɔman no mu, ɛwɔ bɔs mu. Na ɛse se ɔfiri n’agya ɛne ne maame nkyɛn, na ɔba. Mmom wagye Awurade Yesu adi, na ɔwɔ nan baako a ɛye inkyi tiatia inkyi nsia sene forɔɔ no.”

⁸⁵ Na aberantɛɛ no hurii. ɔno na ɔwɔ hɔ no, ɔgyina hɔ yi, ɔrebo mmɔden se ɔbenya atenka wɔ ne poma no mu. Na me kaa se, “Aberantɛɛ, Awurade Yesu asa wo yadeɛ.” Na ɛhɔ ara ne nan no puee tenten inkyi nsia, se deɛ ɛteɛ no, ɛne deɛ ɛka ho no. Na wɔde

aberantee no baa apa no so, na adakotafon no hwehwee ne mu wo ho. Mo hunu ne mfonini wo me nwoma no mu.

⁸⁶ Na me gyinaa ho bere kakra, me hunuu, lore ahabammono ketewa bi se enam kwan no so, na efirii kwan no so. Edanee ne ho, ko akyire, na ekoboo dua bi mu. Ababaawa, a ne tiri nwi-akokoradee na . . . nakyi kasee buui. Na me kaa se, "Mehunuu lore, ahabammono ketewa bi a efirii kwan no so koboo dua bi mu, na ababaawa a ne tiri-nwi aye se akokoradee a obedi mfinrhyia beye dunwotwe anya akyi a abuo. Owot tebea a enye koraa mu." Obiara ammu. Na mantumi anhu no baabiara, wo atiefon nnipa dam bebree no mu. Na me gyinaa ho simma kakra. Me kaa se, "Mote ase. Eye . . . Monnya adwemmone. Eye Awurade Yesu no, wo owusoree no Tumi mu. Osomaa Honhom Kronkron no se ontoa N'adwuma so." Na ehon me hunuu anisoadehununu no se asi bio. Na mantumi anhununu ababaawa no.

⁸⁷ Ehon ara, ebegyinaa m'anim pee, eha na Hann no begyinaee, sedee mo hunu wo mfonini no mu no. Na Ogyinaa ha. Me ko soro ho, na oda ho, ewo apa no ase. Me kaa se, "Awuraa kumaa, Awurade Yesu ama wo ho aye wo den." Na ofirii ase sui.

⁸⁸ Ne maame kaa se, "Oh, daabi! Menka nkyere no se onsore!" Okaa se, "Se osore a, obewu."

⁸⁹ Na awuraa kumaa no huri gyinaa ne nan so, areteateam, na areyi Nyankopon aye. Na maame too piti na ohwee ase wo apa no a na ababaawa no dasoo no so.

Eye deen?

⁹⁰ Ebeye saa bere no ara, obarima anidenfon bi soree wo akyire ho, na ode ne nan baako sii akonwa baako so, na baako si ofoforo so, na okaa se, "Wo, Amerikani! Mede si wanim se wobekyere me Din a woye yei wo mu! Na asorefekuo ben na wowo mu?" Wohu?

⁹¹ Eye adekoron no ara. Wonte ase. Wanhwee saa nnooma yinom kwan. Asafo ahodon no nhwe Awurade Mmaee no kwan. Na Honhom Kronkron no wo ha se obesi Ne Mmaee no so dua, na wama No aba mu. Bebree . . .

Obiara pe se ofa ono ara ne kwan so. Saa kwan no ara so na na etee wo ho. Ekuo biara nyaa won ara adwene.

⁹² Nanso enye eno ne asemmisa no anadwo yi. Eno nye dee merekasa fa ho no. Mmom asem a merebisa mo ne, se, mosusu se Eye deen? Efa wo ho. Hwan ne Oyi a areko soro-ne-fam aman no mu no? Enye nnipa. Nnipa rentumi nnye saa nnooma no. Hwan ne No a arekasa na areka akyere nnipa no wo atiefon no mu, se, "Ote ha pee, wo ha," ene baabi foforon wo nhyiamu yi ase, bere a mmaa ene mmarima baa ha, a worewu? Hwan ne No?

⁹³ Saa ababaawa no a onante ko asubon nsuo mu anopa yi no, a nnawotwe mmiensa a abesene koron ni, na kokoram ereku no, ote ha pee wo Maple Street, Owurayere Baity. Ene me bisaa adakotafon mmiensa a na woka ne ho. Na obaa no nni akwanya

baako a ɔde betena nkwa mu, ɔwɔ mmɔfra nkumaa nnan anaase nnum, na me maame rebɔ mmɔden se ɔbehwe wɔn so. Maame kaa se, “Bill, ɔremma fie bio da.”

⁹⁴ Na me pue kɔɔ baabi a na ɔwɔ, na Awurade Yesu kasae, “SEDEE AWURADE SEE NIE, se ɔbekɔ asɔre na wahye bɔ se ɔbebɔ asu akɔ Awurade Yesu Din mu a, na ɔbesom Onyankopɔn a, ɔbekɔ fie, a ne ho atɔ no.”

Na me bisaa no se, “Wo beye yei, awuraa?”

⁹⁵ Na ɔkaa se, “Dee wo ka nyinaa no, meye.” Ntem ara yaw no firii hɔ. Nnansa akyi no, ɔbaa no kɔɔ fie, na adɔkotafoɔ no ntumi nhunu saa kokoram no ketekete baako.

⁹⁶ Hwan ne Oyi a ɔreba wɔ Awurade Din mu? Hwan ne ɔno? Eye Onyankopɔn Honhom Kronkron no. Edeen ne w’adwene fa Ho? Edeen ne w’adwene, a wo nim wo hwefoɔ? Na bere a wɔte saa nkonwa yi so wɔ ha yi, nnipa a wɔmfiri kuro yi mu no, wɔne etwere tee, wɔte ha . . . ɔbarima bi na ɔte ha yi, baabi wɔ ha, onuabarima Mennonite ni, wɔ ha pee, ayare etwere. Na me nnim da anaase me nhunu no, me nnim biribiara fa ne ho. Na mpofirim ara, beye mfinrhyia mmienu a abesene korɔ, me susu saa, anaase biribi, aane, mfinrhyia mmienu, honhom Kronkron no frɛe no, ɛna ɔkaa se “SEDEE AWURADE SEE NIE.” ɔnyaa nkentensoɔ no da. Hwan ne ɔno? Hwan ne ɔno?

⁹⁷ Na saa ɔbaa yi te ha, Kwasiada a etwaa mu no, bere a edi akyire a na me wɔ ha no, na ɔfiri baabi wɔ Illinois. Da a etɔsoɔ no . . . Na ɔwɔ ahonhono keseɛ wɔ ne nipadua mu, a na ɔbedi awuo. Na abɔdeemu nyansape aduyefoɔ binom a wɔye adeɛ paa de no reko ayaresabea keseɛ bi, na waye no oprehan, Edwoada. Na ɔmiaa ne ho baae. Menhunuu ɔbaa no da anaase mentee ne ho asem, wɔ me nkwa nna nyinaa mu. Na mpofirim ara, Honhom Kronkron no kataa ne so, na ɔka kyerɛe no dee na ɔye, baabi a ɔfiri baaee, na wɔrekɔye no oprehan da a edihɔ no. Dodoɔ sen na na wɔwɔ ha saa bere no, a wɔhunuu saa? Na monhwe nsem a ereba akyire yi. Da a edi hɔ no, bere a ɔkɔɔ dɔkota no nkyɛn no, wɔfaa no firii ayaresabea kɔɔ ayaresabea, na wɔntumi nhunu biribiara wɔ ho.

⁹⁸ Hwan ne Oyi? Oh, Onyankopɔn hu yen mmɔbɔ! Hwan ne Oyi a ɔreye yei? Mobetumi asi mo bo aka se na ɔye mo hwefoɔ? Dabi da. Wobetumi asi wo bo aka se na nnipa wɔ biribi ye wɔ mu anaa? Dabi da. Eye Honhom Kronkron no, honhom a na ɛwɔ yen Awurade Yesu so. Na Ne Mmae no reka ɔne N’Asafo abom, abene ara se ɔretre Ne Hann kronkron keseɛ no mu, de agye nkwa, na ɔde wɔn beba ayɔnkofa mu, Onyankopɔn teasefoɔ no Asafo no, ama Ohwim no a aben no. Amen!

⁹⁹ Hwan ne No? Merentumi mma w’asemmisa no mmuaee. Merentumi mma mo mmuaee. Mmom metumi ama mmuaee ama me ho. Na wɔ saa pono kronkron yi so no, anadwo yi, wɔ yeinom aso mu no, asafo no, ɛna ɔno—ɔno dee yen Awurade Yesu Mogya

ato wɔn no, meka yei firi m'akoma mu tɔnn. Enye se me ye mo mu baako, enye se me ye obi sononko, mmom wɔn a wagye wɔn na wɔnam Mogya no so ahohoro wɔn ho no mu baako. Me gyedi se saa Hann korɔ no ara a esene asɔredan yi mu no, anadwo yi no, saa Ɔbaako korɔ no ara kyerɛ, enam Ne su so, se Eye Yesu Kristo, ewɔ Honhom Kronkron tebea mu.

¹⁰⁰ Obiara a ɔnim Tweresem no, nim se Yesu kaa se, “Me firi Nyankopɔn nkyen na me baaɛ, na me kɔ Nyankopɔn nkyen.” Ansana Ɖbeyɛ honam no, berɛ a na ɔka Mose ho wɔ serɛ no so no, na Ɖye Ogya Fadum no. Na berɛ a Mose pɛɛ se ɔhu No no, Ɖdaneɛ n'Akyi maa no. Na Mose kaa se, “Ete se Onipa.” Berɛ a na Ɖwɔ asase so ha no, na Ɖye Onipa. Ɖyɛɛ nnɔɔma korɔ no ara a Ɖreyɛ no bi, enne, ɔnam nnipa a Wagye wɔn no so. Ɖno na Waba hɔ no na ɔwɔ Ne mfonini. Eyɛ deɛn?”

¹⁰¹ Ne wuo, osie ene owusɔrɛɛ akyi no, Paulo na ɔrekɔ Damasko, dakoro bi, na Hann kɛsɛɛ bi bɔɔ no hwee fam. Saa nnipa no a na wɔwɔ ne ho no anahunu Hann no. Nanso Ɖbɔɔ Paulo hwee fam, kasii se Emaa no yɛɛ nifirani. Na ɔnyaa ɔhaw wɔ n'ani ne nkwa a aka no. Na ɔkaa berɛ bi, “Deɛ ɛbeyɛ na meremfa adiyie no tra a ɛtra sɔɔ memma me ho so bebreɛ nti, wɔama me,” ne honam mu kasɛɛ, a eyɛ Satan bɔfɔɔ, se ɔmmɛbɔ no akuturuku. Ɖfiri se na eyɛ adiyie no tra a ɛtra sɔɔ nti.

¹⁰² Na berɛ a wɔbɔɔ Paulo too fam no, ɔrekɔ wɔ ne kwan so se ɔbetaa nnipa no a na wɔreyɛ dede bebreɛ no; ekuo a wɔawo wɔn foforo no, nkurɔfɔɔ a na wɔfrɛ wɔn abusufɔɔ no. Paulo na ɔwɔ ne kwan so se ɔrekɔ taa wɔn, a ɔwɔ nkrataa wɔ ne kotokuo mu, se ɔbekyere wɔn na ɔde wɔn aba Yerusalem. Na ɛbeyɛ ɛda no mfinimfini no, Hann bi tɔɔ fam, a ɛbɔɔ no firii ne nan so, hwee fam, na ɔhwee fam wɔ asase so dɔtɛɛ mu. Enne bi firi saa Hann no mu baaɛ, ɔreka se, “Saulo, Saulo, adɛn nti na wo taa Me?”

¹⁰³ Na Saulo danee ne ho, wɔ n'anifira tebea no mu, ɔhweɛ soro. Na ɔtumi hunu saa animuonyam, Hann kɛsɛɛ no. Na ɔkaa se, “Awurade, Wo ne Hwan?”

¹⁰⁴ Ɖkaa se, “Me ne Yesu. Me firi Nyankopɔn nkyen na me baaɛ; Me kɔɔ Nyankopɔn nkyen. Me firi Nyankopɔn nkyen na me ba; Meresane akɔ Nyankopɔn nkyen.” Ɖkaa se, “Eye den ma wo se wobeto ɔkafoɔ poma ano dadeɛ kotie.”

¹⁰⁵ Adiyie baako wɔ saa anwea kronkron no so, berɛ bi wɔ saa beaɛɛ hɔ no, onipa rentumi nye saa ara da. Onipa bi, ansana ɛse se ɔfrɛ ne ho Kristoni no, ansana ɔbetumi adi ne ho adanseɛ, ɛse se ɔdikan nya saa ɛserɛ-no-so-akyire hɔ suahunu no ansa, baabi a ohyaɛa Nyankopɔn, animu ne animu.

¹⁰⁶ Ɖfiri se, enne, wobetumi anya mmuaɛɛ biara. Mo betumi ahunu Awurade se ɔreyɛ deɛ Ɖkaa se ɔbeyɛ pɛpɛrɛrɛ, na animdefɔɔ anitefɔɔ no bekyere Eno mu akyea no. Wɔbɛka se, “Eno ye da foforo dea. Na eyɛ yei dea. Anaase, Eye berɛ foforo dea. Anaase, Eye mfomsɔɔ.” Te se deɛ wɔka faa Yesu ho no, “Ɖye

Beelsebub, bonsam no. Ɔye ntafowayifoɔ.” Ɛna saa nnoɔma no nyinaa, wɔwɔ mmuaeɛ.

107 Nanso sɛ onipa ne Kristo hyia mu a, na ɔhunuu no sɛdeɛ Paulo yɛɛɛ a, anaasɛ ɔnyaa Ne mu suahunu a, ewiase mu nyamesom a animdeɛfoɔ dodoɔ nni hɔ a wɔbetumi akyerɛkyere saa suahunu no mu afiri onipa no mu.

108 Ɛno nti na, ɛnnɛ, wɔnni suahunu no. Ɛno nti na wɔrentumi nka . . . wɔn nyinaa reka sɛ, “Hwan ne Oyi? Ɛdeɛn ne Oyi? Ɛhe na Ɔfiri?” Wɔnni mmuaeɛ no. Adɛn? Ɛfiri sɛ, deɛ wɔnim nyinaa yɛ anyamesɛm ho nimdeɛ a asafo bi ayɛ. Ɛnyɛ “sɛ wo nim nyamesom mu nimdeɛ” yɛ Nkwa. Ɛnyɛ “sɛ wɔnim Twere Kronkron no” yɛ Nkwa.

109 Mmom “sɛ wɔnim No a” yɛ Nkwa. “Sɛ wɔnim No a” sɛ wo ara ankasa Agyenkwa a, sɛ Ɔno na Ɔde N’Animpa ahyɛ wo mma a. Na wo wɔ hɔ berɛ a esiɛ no. Obiara nni hɔ a ɔbetumi ayi No afiri wo mu. Obiara nni hɔ a ɔbetumi akyerɛ Mu afiri wo mu. Sɛ saa suahunu no si wo so a, wɔnim Deɛ Ɔye. Me deɛ, Ɔye Yesu Kristo a ɔte sɛ deɛ ɔteɛ ennora, ɛnnɛ, ɛne daapem.

110 Hwan ne oyi a ɔreyɛ saa anwanwadeɛ yi? Hwan ne oyi a ɔreyɛ nnnwuma akɛsɛɛ yi? Ɛyɛ ɔsenkani no a? Ɛyɛ Oral Roberts anaa? Ɛyɛ Billy Graham anaa? Ɛyɛ Jack Schuler anaa? William Branham anaa? Deɛ ɛbeyɛ ɔno biara no, wɔnni hwee yɛ wɔ mu. Wɔyɛ adeyɛdeɛ kɛkɛ.

111 Ɛyɛ Honhom Kronkron no a ɔde Asempa no reba, wɔ nsɛnkyerɛnnɛɛ ɛne anwanwadeɛ ɛne tumideɛyɔ, sɛ wɔde besiesie nnipa bi. Ewiem ayɛ kumoo de rehwe kwan bi, a agyedifoɔ rehwe No kwan sɛ ɔreba.

112 Na afoforɔ reka sɛ, “Adɛn nti na saa ɔhyewɔɔ ahodoɔ yi? Adɛn nti na yanya? Momma yɛntena asafo no mu.” Adɛn, wɔkaa no wo asafo no mu ha pɛɛ, sɛ, berɛ a yɛfirii aseɛ sii asafo foforoɔ no, ɔkaa sɛ, “Yɛnhia anwanwadeɛ. Yɛnhia saa nnoɔma yinom bio. Wo pɛ wɔn a, pue kɔ abɔntene baabi a esiɛ. Yɛnhia wɔn wɔ ha.” Berɛ a Branham Asɔrefie beko fam saa beaɛɛ no, na amem.

113 Wɔkyekyeree saa asafo yi ɛwɔ nhyehyɛɛɛ ɛne Tumi ɛne Yesu Kristo Asempa no so. Na mmere tenten a saa asɔrefie yi gyina hɔ no, ma animuonyam Honhom Kronkron no ɛnya kwan nkɔ akra, sɛ wɔbɛgyɛ wɔn nkwa, na ɔde Honhom Kronkron no ahyɛ wɔn mma, na wasa ayarefoɔ yadeɛ. Me deɛ, Ɛyɛ Yesu Kristo a ɔte sɛ deɛ ɔteɛ ennora, ɛnnɛ, ɛne daapem.

Momma yɛmmɔ mpaɛɛ.

114 Sɛ wo nnim Deɛ Oyi yɛ a, wo nnim deɛ yeinom nyinaa kyere a, na wope sɛ wo hunu a, mobɛyɛ bebree berɛ a morema mo nsa soɔ yi? Na ka sɛ, berɛ a worema wo nsa so, “Bɔ mpaɛɛ ma me, Onuabarima Branham, sɛ mɛhu No.” Na Awurade nhyira wo. Na baabiara, me hunu mo nsa.

115 Afei, Osoro Agya, yede saa Nkransɛm yi ba, ɛne nnipa no a wɔama wɔn nsa so se aba ahodoɔ no, se wɔpe se wɔhunu Nea Oyi ye. Wɔpe se wɔde wɔn ho bɔ saa Yesu kɛsee yi. Se, Ne Mmaɛe no, owusɔree no, abɛn ara se, kɔsi se ayarefoɔ no firi aseɛ nya ayaresa. Na ɛno akyiri no, afei nkɔmhyɛ baa Asafo no mu, afei akyɛdeɛ ahodoɔ ɛne anwanwadeɛ, afei ɛko saa nsenkyerɛnnɛɛ a ɛdi akyire no ho. Deɛ ɛdisoɔ no beba, Ohwim no, wɔbefa Asafo no akɔ. Na yen, Awurade, a yɛgye too mu se yenim Wo wɔ Wo wusɔree Tumi mu no, yeretwɛn, na yen ani agyina, na yereTEAM, na yerepakyew, “Bra, Awurade Yesu!”

116 Hwim W’Asafo na fa No akɔ, ntɛmso, Awurade. Ɛfiri se, ɛrenkyere, nnipa beɛɛe asase a Wo bɔ maa wɔn se wɔntena so no, ɛsiane se wɔanye setie amma Woɔ nti. Wɔansua asomdwɔɛɛ, mmom ɔko. Wɔansua teneneɛ, mmom wɔsuaa amumuye. Sɛnea tumi ho ɛkɔm renne wɔn nyinaa! Awurade, saa beaɛ ketewa no a ɛwɔ wɔn akoma mu a ɛma tumi ho kɔm de wɔn no, wɔrebɔ mmɔden amee wɔ ho wɔdan mu baabi, se wɔbeɛɛe wɔn yɔnko nnipa.

117 Onyankopɔn, se anka wɔbetumi ahunu saa tumi no a na wɔn kɔn dɔ no ye Onyankopɔn Ba no wusɔree no Tumi no, Honhom Kronkron no Tumi no a ɛsakyera wɔn abrabɔ; ɛnye deɛ ɛsee aman, mmom ɛsakyera wɔn abrabɔ na ɛma wɔn ye Wo nkoa.

118 Nnipa bebree no, anibereɛ denden na asɔ wɔn mu, wɔdi yen ho adanseɛ se nkurɔfoɔ a “wɔnnim hwee,” ɛna—ɛna se “atuatefoɔ,” sɛdeɛ wɔyɛɛ akane no. Nanso bere a wɔsane baaɛɛ no, wɔde anigyɛɛ, reda W’aseɛ se wɔtumi gyinaa Wo Din ho ahohora mu. Ɛno ne Wo mma atenka, anadwo yi, Awurade, baabiara. Ɛye yen anigyɛ nko ara.

119 Ebinom wɔ Wo da mu no bɔɔ mmɔden se wɔbehu deɛ Wo ye. Wɔkaa se, “Ɔye saa wiram nnipa no adamfo, Yohane, deɛ ɔfiri wiram pueɛ no a na ɛye den se ɔbehyɛ atadeɛ no, ɔde odwan nwoma dada bi na akyekyere ne ho. Wiram nnipa bi a ɔtoto ne nsem no, apueɛ ne atɔɛɛ, na ɔkaa se, ‘Wɔde akuma no ato dua no nhini ase.’” Ɔkaa se, “Ɔye a—a n’akyidini. Ɔye wiram nnipa. Wabɔ dam. N’adwene mu ka No.” Nyankoma somadwuma no a na ɛka Wo ho no, O Awurade, firaa wɔn ani.

120 Na saa na ɛteɛ bio ɛnnɛ: Saa Honhom Kronkron kɛsee yi deɛ ɛbedi Awurade Mmaɛɛ no anim kan, sɛdeɛ Yohane yɛɛɛ wɔ ne da mu no, ɛrefira nnipa no ani, de ma wɔn a wɔmpɛ se wɔhunu. Mmɔm ɛko ma wɔn a wɔwɔ ɔpe se wohunu no, Wo na wayi wɔn. “Na deɛ Agya no de ama Me nyinaa beba Me nkyɛn,” Wo kaa se, “na wɔn mu biara renyera. Na mɛnyane no da a ɛdi akyire no.” Yɛda W’ase de ma yei.

121 Na wɔn a wɔama wɔn nsa so no, anadwo yi, yɛbɔ mpaɛɛ, O Awurade Nyankopɔn, se Wo beyi Wo ho adi akyere wɔn, wɔ suahunu mu, wɔ owusɔree Tumi no mu. Ye ma yen, Awurade.

122 Na afororo pii wo ha, a wamma won nsa so, nanso mpo, wo won akoma mu no, na wonim se wohia. Me bo mpaee se Wobehyira won, na wama won akoma so adee.

123 Bere a yerefiri dan no mu no, anadwo yi, ma yenko se nnipa sononko. Ma yemfa botae sononko nko a esene dee na yewo no, yereba mu no, se na ene Wo Soro pe no bo abira a. Ma yemfa ahotoso mpue nkoso afobukya no nsa no mu, kosi se yen kra ho beto yen se yanya suahunu wo Wo mu, na yenim Dee yeka ne ho asem, efiri se y'ahyia No na yenim No, na yene No wo ayonkofa. Ye saa nnooma yi ma yen, Agya. Sa ayarefo yadee ene won a wowo amanee mu.

124 Hyira yen dfofo ene ohwefo a osomboo. Onyankoron, yebbo mpaee se Wo beka ne ho ene ne nuammaa fefe no, bere a woretto Asempa no, na woka asem No wo won kasafidie soo.

125 Hyira ahoho a wowo yen pono yi mu. Awurade, ma wampue, anadwo yi, a nhye bi wo won akoma mu, ene botae bi a won, efiri don yi reko no, se wonnim Wo na won somm Wo, ansana a, ma won nsom Wo. Na wonim yei, se, "Nnooma a aka nyinaa beba abeye adehunu, mmom Awurade Asem no na ebetena ho daa." Ye ma yen, Agya.

126 Fa yen bone kye yen, yen bone nyinaa. Na ma yen nhyia wo saa biribi kesee no . . . [Ahoma no so ye hunu—Os.]

Efiri se Ono na odiikan doo me
Ene otoo me nkwagye
Wo Kalvari dua no so.

127 Afei, Nkranssem no akyi no, momma yensi yen tiri ase na yensore No, bere a yereto dwom akyerε No yi.

Me do No,
Wo de w'akoma nyinaa.

Me do No
Efiri se Ono na odiikan doo me
Ene otoo me nkwagye
Wo Kalvari dua no so.

128 Dodo sen na mo do No paa? Momma mo nsa so, nka yei wo adanse mu, "Medo No." Oh, Onnye nwanwa anaa? Mo nim, medo se me tena ase sei na me nom bie, sedee etee biara, wo N'Animpa mu. N'Asem, pue, Ewura akoma mu. Etenetene yen. Ede yen behye Ne Honhom ase. Senea eye fe fa se mobesore No saa bere no! Afei, bere a morefiri asore no, anadwo yi, monko, nkosore No.

129 Na monkae, nnawotwe yi, mpaebbo nhyiamu wo ha wo Wukuada anadwo. Momma mo were mfiiri Onuabarima Neville kasafidie so dawubo no Kwasiada, anaase Memeneda, ewo nnankron, wo WLRP. Medo se metie won, monye anaa? Nnan no, anaase mmiensa no, nyegyee no yefe paa. Me yere ene me, ene mmofra no, yen nyinaa de kasafidie ketewa no pue na—na

yatwa ho ahyia, se yeretie Onuabarima Neville ene ne kasafidie so dawubo no, ene ne nsem nwanwaso, senea oma Onyankopon a do no na ogye no die no so. Monka yei nkyere . . .

¹³⁰ Mo ahoho a mo wo ha no, se mo nni asore wo fie a, mo mmra mmeka yen ho. Meka kyere mo, enye se mereka yei ena ote ha. Daabi, owura. Me kaa yei, mmere pii. Medo Onuabarima Neville. Ye, edikan, oye nyamesom mu nimdefo. Ade a edikan, oye Nyankopon ba. Ade a etoso, ote se de ara da biara. Me hunu no mfirmhinia pii ni. Onsesaa da, ketekete baako mpo. Daso ara ye Orman Neville, Awurade Yesu akoo. Na me susu se wo . . .

¹³¹ Anadwo bi, mefre no, se mebisa no se wanye a, wo ne nhyehyee mu no, obetumi ama yen kwan na yaba abebo mpaee ama ayarefo no a. Na ebinom reba, anpa yi, mo nim. Na ne yere kumaa no gye telefon no so, na merekasa kyere me yere, wo akyire ho, efa ho.

¹³² Na senea yeda Onyankopon ase de ma ne yere kumaa dofo ene n'abusua. Eno ye paa. Se wo hunu dofo ene ne yere se woreko so te saa a, ewo ode bi mu ene ahobrasee mu a, eno ma asafo no koso yie paa. Eno ye dede bere a nna no reko animu no.

¹³³ Mode mo akoma nyinaa do No anaa? Ne nyinaa ye. Yewo nnwom a yede gya kwan a ye to, *Fa Yesu Din No Ka Wo ho*. Na ma yen nnwom ketewa no, onuabaa, se wowo no wo nwoma no mu a. Na yerebeto yen nnwom a yede gya kwan no. Na bere a yere to nyiyimu a edikan no, yere se yedane yen ho, kyea oforo nsam. Ne nyinaa ye. Firi ase ma yen.

. . . Yesu Din No ka wo ho,
Aweroho ba ene amanee;
Ebema wo anigye ene awerekyekyer,
Fa No ko baabiara a wo ko.

Din a Esombo, O senea eye de fa!
Asase so anidaso ene Osoro anigye;
(Onyankopon nhyira wo, onuabarima.)
Din a Esombo, O senea eye de fa!
Asase so anidaso ene Osoro anigye.

Momma yemfa nyiyimu yi seesei:

Wo Yesu Din mu merekoto,
Merebutu Ne nan ase,
Ahene mu hene wo Soro yebeye No ahenkye,
Se y'akwantuo ba n'awiee a. (Eno renye nwanwa?)

Esombo . . . (Din a esombo!) O senea eye de fa!
Asase so anidaso ene Osoro anigye;
Din a Esombo, (Din a esombo!) O senea eye de fa!

Asase so anidasoɔ ene anigyee . . .

¹³⁴ Dodoɔ sen na mokae yen nnwom ketewa no a na yeto no, *Momma Mo were mfiri Abusua Mpaebɔ No?* Mo kae? Me nkae . . . Thelma, se wo nim saa, anaase nnwom no, anaase enye? Momma yento preko. Monnkae eno anaa? Momma yen . . . Ebia metumi ne mo ahwe no preko.

Momma mo were mfiri abusua mpaebɔ no,
 Yesu pe se ɔhya mo wo hɔ;
 Ɔbehwe mo biribiara so,
 Oh, momma mo were mfiri abusua mpaebɔ no.


¹³⁵ Dodoɔ sen na moye abusua mpaebɔ? Eno ye papa. Momma yento bio. Menya eno wo ha. Mepɛ saa. Yen nyinaa mmom seesei:

Enye—momma mo were mfiri abusua mpaebɔ
 no,
 Yesu pe se ɔhya mo wo hɔ;
 Ɔbehwe mo biribiara so,
 Oh, momma mo were mfiri abusua mpaebɔ no.

¹³⁶ O Awurade, wɔatwere no wo Twerensem no mu, se wɔyi firii Paulo nipadua ho nnuku anaase nkatanimu, na ahonhom fi firii nnipa no mu, na wɔsaa wɔn nyarewa. Yeɔ mpaee, O Awurade, se te saa ara, ebɛda adi wo yeyinom so, anadwo yi, bere a mede rekɔma ahiafoɔ no ne ayarefoɔ no. Baabi wo nsase no so, obi wo hɔ a ɔrehwe kwan na ɔretwen se ebɛsi. Me bɔ mpaee, Agya, se Wobeyɛ ama yen wo Yesu Din mu, Wo Ba no. Amen.

¹³⁷ Afei merebɛbisa, bere a yasi yen tiri ase yi, se yen Nuabarima Smith a ɔsombɔɔ no wo hɔ a, ɔfiri Onyankopɔn Asafo no mu, deɛ yɛahunu no, te se yen Nuabarima Neville a ɔwo ha yi, se ɔye nokwafo, nokwarefoɔ, Onyankopɔn akɔa, Merebɛbisa no se ɔmmisa nhyira no ngu mo so, na mode atoa so saa nnawɔtwe a ereba yi mu. Onyankopɔn nhyira mo, kɔsi se yebehya mo bio. Onuabarima Smith.

[Onuabarima Smith bɔ mpaee—Ɔs.] Aane, Awurade. Ye ma yen, Awurade. Aane. Aane. Aane. Amen.

¹³⁸ Kyea ɔfoforɔ nsam. Akwaaba bio, ba asɔrefie ha. Nyankopɔn nhyira wo. 

59-0510E Hwan Ne Oyi?
Branham Tabernacle
Jeffersonville, Indiana U.S.A.

ASANTE TWI

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Suaye Tumi Ho Nkaebo

Eho tumi nyinaa ye twerefoɔ no dea. Saa nwoma yi wobetumi atintim no afidie so wɔ efie afa anaa se wo bekyekye, a worennye sika, se biribi a ebema Yesu Kristo Asempa no betre. Worentumi ntɔn saa nwoma yi, ntintim no pii, mfa nto website so, mfa nsie wɔ afidie biara mu, nkyere asee nkɔ kasa biara mu, anaa mfa nsresre sika wɔ bere a wo nyaa akwanya krataa a efiri Voice of God Recordings®.

Se wope ho nsem anaa nnooma bi a ewo ho a, me sere se twere ko:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org